



# **Universitätsbibliothek Paderborn**

**Pastorale Missionariorvm**

**Verjuys, Jean-Baptiste**

**Antverpiæ, 1682**

8. Vtrùm liceat nuptias hæreticorum honorare suâ præsentîâ aut aliquo munere.

**urn:nbn:de:hbz:466:1-41565**

## DE MATRIMONIO. 449

Ex his etiam patet ad aliud dubium quod ab aliquibus movetur, utrum Catholicus licet ducat sponsam ad Ecclesiam ut ibi coram ministro contrahat. Si enim illa actio contrahendi non sit de se mala, multò minus ductio sponsæ ad illum actum. Dices: quod saltem non erit licitum ducere ad Ecclesiam Sponsam hæreticam, quæ non contraxit coram Parocho, nec coram illo contrahere intendit, quia tale matrimonium invalidum est. Resp. Hoc per accidens esse quod non contrahat aut contrahere velit secundum formam Conc. Trid. ducens enim sponsam ad Ecclesiam ad hoc nullatenus cooperatur, sed tantum ad actionem quam etiam facere potest Catholicus.

### ARTICULUS VIII.

*Vtrum liceat nuptias hæreticorū honorare  
suā præsentia aut aliquo munere?*

**H**oc dubium bis movet Lessius, semel ubi supra casu 26. & iterum tit. Matr casu 18. Intelligimus autem quæsumus quando matrimonium tantum fuit contractum coram hæretico Ministro, & non coram Parocho

Pro parte negativâ. Arg. 1. qui sui præsentia aut munere horat nuptias matrimoniī sic contracti, censetur ipsum approbare & congratulari novis nuptis de re mala, intrinsecè, videlicet de conjunctione fornicaria quod licet fieri non potest.

z. Vix

## 450 TRACTATUS XIII.

2. Vix fieri hoc potest sine scandalo, præser-tim si vir magnæ doctrinæ & auctoritatis fuerit, unde Catholici facile colligerent quod ipse suâ præsentia & munere illum contra-ctum approbaret.

Resp. tamen affirmativè : Quia talis actio omnino est indifferens, nec talia convivia instruuntur pro approbatione talis matrimonii, sed potius ad servandā amicitiam inter amicos & consanguineos, & ita non est fundamentum dicendi hoc esse per se malum. Nec sequitur quod sic approbet istud matrimonium, cùm ipsi displicere possit ex aliis motivis, eo modo quo si quis adesset convivio consecrationis alicujus Abbatis simoniacè promoti, per hoc non approbaret actionem simoniacam.

Et sic patet solutio 1. Arg. Ad 2. etiam dicitur quod si scandalum aliquod esset, in illo casu esset illicitum.

Nulum tamen ex se involvit scandalum, si res bene inspiciatur, maximè in partibus Hol-landiæ & aliis confœderatis Provinciis, ubi ne-mo inde acciperet occasionem scandali.

Improbandum tamen esset si Religiosus aut aliquis Sacerdos circa gravem causam illas nuptias honoraret, facilius enim inde occasio scandali sumeretur. Si autem matrimonium antea contractum fuerit coram Parocho aut alio habente facultatem, nulla est difficultas, uti patet ex supra dictis.

TRACTATUS XIII.